

K4 NUUSBRIEF 2024



SPORTBOSBERAAD VERENIG GEMEENSKAP




Ons het onlangs 'n dinamiese laerskool-sportbosberaad aangebied, wat 'n groep belanghebbers byeen gebring het wat daartoe verbind is om die toekoms van skolesport in ons gemeenskap te vorm.

'n Aantal sportverenigings het insiggewende aanbiedings oor hulle onderskeie kodes gemaak, en aan deelnemers 'n omvattende begrip van die huidige sportlandskap gegee en potensiële gebiede vir verbetering geïdentifiseer.

Die bosberaad het afgesluit met die beplanning van die laerskool-sportlekgotla wat vir later hierdie jaar geskeduleer is.

"Onshet die geleentheid gekry om 'n volhoubare grondslag vir sportontwikkeling in ons munisipaliteit te skep. Ek glo vas dat die planne wat ons opgestel het, sal verseker dat ons kinders holisties ontwikkel." - Thato Leeuw, voorsitter Dr. RS Streekskrieket.



WERKSWINKEL BEMAGTIG OUERS

In samewerking met Outisme Suid-Afrika het ons onlangs 'n uiters suksesvolle Outismebewustheidswerkswinkel by die Waterloo KMMO Inkubasiespilpunt aangebied. Hierdie geleentheid is spesifiek ontwerp vir die ouers van kinders op die outismespektrum, en was 'n insiggewende sessie wat almal betrek het.

'n Merkwaardige getal mense het die werkswinkel bygewoon, wat die toenemende belangstelling in en behoefte aan sulke inisiatiewe in die gemeenskap beklemtoon. Die sessie het 'n verskeidenheid praktiese inisiatiewe aangebied wat ontwerp is om kommunikasievaardighede te verbeter, sensoriese integrasietegnieke te implementeer en positiewe gedragsondersteuning te bevorder.

"Ons waardeer die moeite wat Waterloo Solar gedoen het om hierdie werkswinkel te organiseer sodat ons as ouers toegerus kan wees om ons kinders met outisme te help." - Dr. Mvula, 'n deelnemende ouer.

